



Broj: 01/02-02-1-38/15

Sarajevo, 7.1.2016. godine


Parlamentarna skupština BiH

Kolegij Predstavničkog doma

Kolegij Doma naroda

Ustavnopravna komisija Predstavničkog doma

Ustavnopravna komisija Doma naroda



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15) i člana 97. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15 i 96/15), Zakonodavno-pravni sektor dostavlja

MIŠLJENJE

o usklađenosti Prijedloga zakona o izmjenama i dopunama Zakona o udruženjima i fondacijama s članom 105. Poslovnika Predstavničkog doma i članom 95. Poslovnika Doma naroda Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine

Aktom predsjedavajuće Predstavničkog doma, broj: 01/02-02-1-38/15, od 6.1.2016., te aktom predsjedavajućeg Doma naroda, broj: 01/02-02-1-38/15, od 7.1.2016., Zakonodavno-pravnom sektoru dostavljen je Prijedlog zakona o izmjenama i dopunama Zakona o udruženjima i fondacijama (u daljnjem tekstu: Prijedlog zakona) radi davanja mišljenja o usklađenosti Prijedloga zakona s članom 105. Poslovnika Predstavničkog doma i članom 95. Poslovnika Doma naroda, te Jedinstvenim pravilima za izradu pravnih propisa u institucijama BiH.

Prijedlog zakona, broj: 01/02-02-1-38/15, od 30.12.2015., podnijelo je Vijeće ministara BiH, kao ovlašteni predlagач, u skladu s članom 104. stav (1) Poslovnika Predstavničkog doma i članom 94. stav (1) Poslovnika Doma naroda.

I. Usklađenost s odredbama Poslovnika Predstavničkog doma i Poslovnika Doma naroda Parlamentarne skupštine BiH

Tekst Prijedloga zakona je, u skladu s članom 105. stav (1) Poslovnika Predstavničkog doma, odnosno članom 95. stav (1) Poslovnika Doma naroda, podnesen u pisanoj i elektronskoj formi, na jezicima i pismima u službenoj upotrebi u BiH.

Članom 105. stav (3) Poslovnika Predstavničkog doma i članom 95. stav (3) Poslovnika Doma naroda propisano je da se uz prijedlog zakona dostavlja obrazloženje koje sadrži:

- a) ustavni osnov za usvajanje zakona

- b) razloge za donošenje zakona
- c) principe na kojima je zasnovan prijedlog zakona
- d) procjenu finansijskih sredstava neophodnih za provođenje zakona
- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje koje sadrži:

1. ustavni osnov
2. razloge za donošenje zakona
3. cilj donošenja zakona
4. principe na kojima je zasnovan prijedlog zakona
5. obrazloženje predloženih rješenja
6. usklađenost propisa sa evropskim zakonodavstvom
7. provedbene mehanizme i načine osiguranja poštivanja propisa
8. procjenu potrebnih finansijskih sredstava za provođenje zakona, te
9. opis konsultacija vođenih u procesu izrade zakona.

Uz Prijedlog zakona dostavljena su mišljenja Ureda za zakonodavstvo, Ministarstva finansija i trezora BiH, Direkcije za evropske integracije BiH, Ministarstva civilnih poslova BiH, Ministarstva za ljudska prava i izbjeglice BiH/Agencije za ravnopravnost spolova i Agencije za zaštitu ličnih podataka u BiH.

U skladu s navedenim, Prijedlog zakona **usklađen** je s članom 105. stav (3) Poslovnika Predstavničkog doma i članom 95. stav (3) Poslovnika Doma naroda.

Predlagač je uz Prijedlog zakona dostavio odredbe koje se mijenjaju, odnosno dopunjavaju, ali nije dostavio verziju prečišćenog teksta (s ugrađenim odredbama čija se izmjena/dopuna predlaže), te u tom smislu Prijedlog zakona **nije usklađen** s članom 105. stav (5) Poslovnika Predstavničkog doma i članom 95. stav (5) Poslovnika Doma naroda.

Iz navedenog proizilazi da Prijedlog zakona **nije u potpunosti** usklađen s članom 105. Poslovnika Predstavničkog doma, niti s članom 95. Poslovnika Doma naroda.

II. Usklađenost s Jedinostvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinostvenim pravilima za izradu pravnih propisa u institucijama Bosne i Hercegovine, te je **usklađen** s Jedinostvenim pravilima za izradu pravnih propisa u institucijama Bosne i Hercegovine.

Dostaviti:

1. naslovu
2. sekretarki Zajedničke službe Sekretarijata

za Rukovoditeljica
Zakonodavno-pravnog sektora
Mirjana Kutanjac

